

宋朝大詔令集

宋朝大詔令集卷第一百六十二

政事十五

官制三

罷京朝

遷官保任詔 慶厯五年二月辛卯

比者京朝官湏

人保任始得遷官朕念廉士或不能以自進也其

罷之

改文明殿學士爲紫宸殿學士置天章閣學士詔 慶厯七年  
八月戊

嗣宅昌圖懋循大訓慎守盈成之業敢忘繼述之懷率祇先猷並建  
近職期招選於髦碩備諮詢於詰言爰念昔以正寢之名冠于學士  
之職觀題榜之載易且班聯之久盛然而存定著于禁廷同尊謚於  
禩乃眷紫宸之制實法經星之躔爰重內朝用更新號宜改文明

殿學士為紫宸殿學士班次依舊欽惟聖考濬發宸文百篇森布於  
廟函三襲肇興於華閣群予續紹之始 閣師儒之塗遂延講藝之  
臣欽佇論思之益掩玉府藏書之盛處金門特詔之才今宜廣侍從  
之貲抑亦副適追之志特置天章閣學士在龍圖閣學士之下

改紫宸殿學士為觀文殿學士

凌麻八年五月乙巳

乃者因禰宮之尊謚涉朝殿之故名爰及官曹並從改避載念紫宸  
之制幸當上閣之崇辭補舊貲木安禁職惟延恩之寶稽乃集之  
秘庭福既所開深嚴莫二維仙游之已遠顧初制之 移宜即清閑  
用資延訪矧先聖齋心之地資冲人覽 之懷仰席盛猷載新華榜  
仍建崇儒之秩具為備閣之榮宜以舊延恩殿為觀文殿兼改紫宸  
殿學士為觀文殿學士班次如舊制

置在京都水監罷三司河渠司

嘉祐三年十一月己丑

天下利害繫于水爲深自禹制橫清功施于三代而漢用平當領河隄劉向護都水監皆當時名儒風迹可觀近世以來水官失職稽諸領典品秩猶存今大河屢決遂失故道百川驚流或致衝冒害既交至而利多放遺此議者宜爲朝廷所以講圖之也朕念夫設官之本因時有造揀敝求富不常其制然非專制職守則無以責其任非慎擇才能則無以成其効宜脩舊制庶以利民其置在京都水監內外河渠之事悉以委之應置官屬及本司合行條制仰中書裁處以聞其罷三司河渠司

罷同提點刑獄使臣詔 嘉祐五年八月乙酉

勅國家兼覆寓中疆理天下分州立邑十有八路惟吏之不平民之失職政之頗僻獄之放紛未能獨察也故設糾虔之司使奉欽恤之寄專屬朝臣歲以武吏誠欲停疑察枉釋煩決滯納民於不冤流化

於無訟而武吏或出將關或由軍功文墨期會未必深究監司背項  
適增其繁夫非其習而望其効違其方而冀其功不亦難乎其罷諸  
路同提點刑獄使臣令樞密院勘會及已二年者即令赴關未及二  
年者與就移合入差遣及於河北東陝西緣邊兵馬多處相度添路  
分駐泊都監以次補用庶幾人盡所長官不虛授夫轉運使之任所  
以寄耳目治財賦集事功也江南東西荆湖南北廣南東西福建益  
梓利夔等十一路此其去京師遠者萬里近者數千里或跨帶山海  
崎嶇蠻夷而皆以一員主之處則無與參慮出則無與戮力設有緩  
急之警調輸之煩機會一失民受其弊甚非豫慮先事之策也其各  
增置轉運判官一員三年爲一任選差第二任以上知州資序人候  
一任滿日與提點刑獄公事初入知州及第二任通判資序人候滿  
日與提點刑獄差遣若居部無狀墮職敗事則重行其罰蓋士常患

任之不當其才則無以見長用之不久其任則無以就功今朕別異文武使得自試選擢賢能使得次進吾於士大夫可謂無負矣其各竭力悉心勉成功名布告中外咸諭朕意

久任詔

嘉祐六年閏八月六日

中書門下牒近差官分往諸路州軍計會當職官吏詢究民間疾苦務從寬恤然須所在守令得人使以其任則能奉行朝廷之意縣奉勅朕觀古者欲治之世牧民之吏多稱其官而百姓行安其業今求才之路非不廣責善之法非不詳而吏多疾聽不治不稱所以爲民之意豈今人材獨少而世變之殊哉殆以不得久於其官故也蓋智明才力之士雖有興利除害禁姦勸喜之意非稍假以歲月則吏民亦且媿而不爲之用欲終厥功其路無由今夫州縣特以爲命者守今也察其能者使得久於其官而優厚以勸之豈非所謂先務者哉

今後諸路知軍州監知縣縣令內有清白不撓而政迹尤異實惠及  
民者如係三周年替到任已及成資係三十箇月替到任已及一年  
半係二周年替到任已及一年已上其知州軍監本路安撫轉運使  
副判官提點刑獄官負所是知縣縣令既更與本處知州軍監通判  
並建署同罪保舉再任仍須於奏狀內將本官到任以來政迹可舉  
實狀二一條列聞奏委中書門下更加察訪如不是妄舉即進呈取  
旨當議量所述政迹及今入資序相度推恩許令再任噫先王置官  
域民之大法朕未能逮也漢宣所以致年之要其又可以不勉哉咨  
爾庶工當知朕指

置同知大宗正司官詔

治平元年  
六月丁未

勅夫明德以親九族正家而刑萬邦古先哲王罔不由此朕嗣守丕  
業率循舊章惟皇屬之教和命宗臣而董正而累聖承繼百年盛隆

荷宗社之慶靈茂本支而著衍念其性本於仁厚宜廣學以勤脩顧其日益於衆多必增員而統理故外已詔於儒學各選經師而內仍擇於親賢共司屬籍庶乎協贊其職並脩厥官糾乃非違先以正而爲率勉夫怠惰惟其善而是從式孚于休以副予意

定磨勘年限詔

治平三年九月癸亥

朕惟制治之本必始乎官設官之方其亦有擇國家承累聖之祚躋時丕平而假省寺之官出釐庶務許以三祀俾之一遷歲月既深吏負猥積維海宇至廣上師寔繁以官率人倍者數矣肆我臺閣數陳其故茲用博議審求臧謀而封章亟來請從更制朕嘉與卿士圖惟厥中庶幾流弊由此其息自今特制以上自轉官後六歲如無過犯與轉官有過依舊條展年至諫議大夫止京官四歲磨勘至前行郎中止少卿監以七十員爲定員內有闕即檢勘前行郎中轉官及四



歲以上月日最深者補其有過展年及有勞績減年磨勘者如舊制少卿監以上更不檢勘取旨轉官以上如別有勞績或因要重任使特旨推恩者不在此例噫公誠之心期共濟于道澄革之始無或蔽爾私況上自於要官一從於新令允曰在位咸體朕懷

賢文閣置學士直學士待制詔

治平四年

昔我藝祖以神武昌寶祚太宗以文德光大業真宗欽崇儒術仁宗善繼謨烈咸有述作煥于簡編河漢昭回奎壁相照廼規層構遂在西清憲上帝藏書之府章累朝稽古之盛並揭嘉名以登峻望仁祖登遐先皇纂御首命近列論次遺文鈿軸寶函未終繡錄白雲紫氣遽遂上賓今告畢工甫將安奉大訓九歌之重垂世共長廣內秘室之藏貽謀無極祇循故事適成先志寶文閣宜置學士直學士待制著于令其思賜依龍圖閣學士直學士待制

答宰執乞罷功臣表詔元豐元年十一月己亥

唐之中世時屬多虐制爲功臣寵歟將吏因仍弗革稱謂寔繁溢矣過情空名眩實施之近世或適權宜襲至來今固匪通制卿等爲國丞弼悃惓無華帥先臣鄰願罷功號朕用嘉歎其敢弗從宜如所請

### 改官制詔

朕嘉成周以事建官以爵制祿小大詳要莫不有叙分職率屬萬事條理盡於二代爲備且隆逮于宋流道與時降因致駁雜無取法焉惟是宇文造周旁資碩輔準古創制義爲可觀國家受命百年四海承德豈茲官政尚愧前聞今將推本制作董正之原若稽祖述憲章之意叅酌損益趨時之宜使臺省寺監之官贊典職事領空名者一切罷去而易之以階因以制祿凡厥恩數委如舊章不惟朝廷可以循名攷正萬事且使卿士大夫蒞官居職知所責任而不失寵祿之

竇豈不善歟其合行事件中書門下可條具聞奏故茲詔示想宜知悉

賜門下詔

勅門下先生以道在天到而為事陳而為法人各有分然後安官各有守然後治三代以降累世相仍浸迷本原遂亂名實餘弊斯積其流及今朕憫古弗遠因時改造是正百職改復六聯先後重輕粗獲條次小火貴賤迭相維持差擇群材分委成憲佇觀來効共致不平或有弗欵將底厥罪新除省臺寺監官詳定官制所以著所掌職事如被選之人不循分守敢有僭紊其申諭中外違是令者執政官委御史臺彈奏尚書已下聽長官糾劾以聞

熙明開置學士待制詔

建中靖國元年二月庚子

朕奉先思孝恭已承祧紹累聖之丕基揚烈考之先訓神宗皇帝神

心經緯聖學緝熙百度惟新備矣有周之庶事四方其訓巍乎堯舜  
之成功言則爲文昭如雲漢實之垂世炳若丹青儼馭升遐泰陵繼  
序乃睿祖宗之舊悉散金玉之編遂在西清並崇華構爰咨邁列俾  
訪遺文鉅軸未終雲輶忽遠肆冲人之纂紹惟往憲之欽承用揭嘉  
名仍延碩望詒謀有永豈圖宛災之並陳與天無窮是惟奎壁之相  
照宜以顯謨閣爲熙明閣仍置學士待制

省臺寺監牧守監司以三年爲任

崇寧元年  
七月三日

內外官並以三年爲任乃元豐舊制比歲以來官守屢易至有歲內  
再三改移都居官次突不及熙時序未更已聞移去惟是覬望徙擢  
日俟遷陞次辭訟則鮮肯究心視公局則猶同傳舍簿書案牘肯毛  
罕詳吏緣爲姦民受其弊蓋是除擬之除愛惡未同順親愛者務令  
資任暗陞因憎惡者欲令遷徙不定遂致老幼懷道途之畏吏卒疲

將迎之勞送往迎來煩擾百出唐虞政績幾成雲文自今後內自臺省寺監外及牧守監目宜一切依元豐舊詔並以三年爲任如未及成資以上不得輒有替移其在抵率先猷無或遺戾惟吏安厥職民懷其惠乃攝朕紹休聖緒之志

誠約勿援韓忠彥例以戚里宗屬爲三省執政官詔

崇寧二年七月

二十日

朕觀前世外戚擅事終至禍亂天下惟我祖考創業垂統承平百有餘年外戚之家未嘗與政厥有典則以貽子孫即政之初以駙馬都尉韓嘉彥兄忠彥爲門下侍郎繼除宰相方族恭熙弗敢有言給事中劉拯抗疏謝駿亦不果聽上達祖考成憲下虞前世禍亂之失其自今勿復援忠彥例以戚里宗屬爲三省執事世世守之著爲甲令

諸州軍縣鎮增員依舊詔

大觀元年正月十一日

國家承平垂百五十年生齒繁庶數倍於祖宗建國之日法令增多亦數倍音時而州縣建官員額循沿舊制人不勝任事因不舉夏商官倍至周益詳量時制員亦各用又今百度惟新人才既富因能以任庶幾先王比緣裁省員多闕少士失所養其崇寧四年以前除市易外諸州軍及縣鎮處增置官員不係本年併廢并崇寧新降吏部格令並依舊法施行其額闕可一併檢舉注擬庶使人無留滯之歎以追多士以寧之美播告中外咸使聞知

宋朝大詔令集卷第一百六十二

宋朝大詔令集卷第一百六十三

政事十六

官制四

建徽猷閣等官詔

大觀二年二月十五日

朕惟哲宗皇帝睿武文明神機獨斷道與時運沉潛無方然事天治人彰善癉惡訓迪有位攘却四裔號令指麾若揭日月蓋自親覽庶政始大有爲一詔一言罔不儀刑神考之典故輯熙繼復著在簡編與熙寧元豐所行相爲始終比命有司廣加裒輯成書來上本末粲然誠可傳無窮施罔極矣若昔祖宗述作皆有胥藏之所叅列廣內揭爲嘉名世擇儒臣以資訪納今將率由成憲匹休前烈則夫名以出信不可無所考也在詩有之君子有徽猷是惟詢德之美而觀道之成於是乎在其哲宗皇帝御集閣以徽猷爲名仍置學士待制故

茲詔示想宜知悉

寄祿官不分左右御筆

大觀二年三月十五日

寄祿官在神者時不分左右曩雖釐正猶有存者若盡去之則序爵

制祿等級差少人易以及可令有司條畫以聞

復宮觀縣丞御筆手詔

政和二年六月空日

古者官以治事事有繁簡官有寡多唐虞建官惟百夏商官倍迄于成周王所治千里之畿而已分職率屬至二千有幾因世制宜咸克用朕紹休考烈獲承百五十年之丕緒北日以闢民日以廣事日以繁而建官之數循仍祖宗之舊逮至于今負多闕少世之以官爲冗而不知多士以寧之美患事不舉而不知官少力不任之弊乃者有司不舒究其本又減員額削祿廩欲省官裕國國用無所而士之仕者仰不足以事俯不足以育朕甚憫之在熙寧中先帝董正治



官嘗詔宮觀置負縣置丞屬實在乎是繼志廣聲其可後乎所有宮觀縣丞並依大觀三年四月以前指揮後降指揮更不施行其餘減罷宮關可令尚書者具合存廢以聞

新定三公輔弼御筆手詔

政和二年九月二十五日

所與共天下之政者惟二三執政之臣而官稱之名位序之實未足以垂于萬世昔我神考訓迪厥官有司不能承奉仰惟前代而以僕臣之賤充宰相之任六卿之職爲三公之官有志改爲或未遑暇朕適追來考若昔大猷稽三代公孤之名考左輔右弼之號是正名實惟古之師分職率屬期于治官不必備而惟其人祇于新書克慎厥服同底于道以成烈考之志豈不懿歟故茲詔示想宜知悉

三公

三師

新宮

舊宮

太師

太師

太傅

太尉

太保

太保

此古三公之官為宰相之任今為三師古無三師之稱合依三代為三公論道經邦燮理陰陽官不必備惟其人為真相之任

三少

三公

新官

舊官

少師

太尉

少傅

司徒

少保

司空

太尉以下舊為三公緣司徒司空周六卿之官非三公之任乃今之六曹尚書是也太尉秦官居主兵之任亦非三公太尉司

徒司空合罷並依周制立三孤之官乃次轉之位三孤戴公洪  
化寅亮天地或稱爲三少爲次相之任

尚書省

令

太保皇帝曾任今宰相之官多不次置

新官

舊官

太宰

左僕射

少宰

右僕射

門下省

新官

舊官

左輔

侍中

中書省

新官

舊官

皇朝通志卷之二十一

右弼

令

改武選官名詔同上

昔在神考董正治官肇建大階以祿多士聯職合治各有等差名實  
既賓以克用乂而武選官稱循汾末世有志未就以迄于今述而後  
明靡敢怠廢朕夙夜惟念易而新之訓迪厥官自我作古夫名不正  
則言不順言不順則事不成凡爾有官尚慎乃止欽哉成憲其爾之  
休所有武階磨勘遷改請給葵蔭等凡厥恩數委如舊章咨爾有眾  
祇于新書毋忽

橫行

新官

舊官

通侍大夫

內客省使

正侍大夫

延福宮使

中侍大夫

景福殿使

中亮大夫

客省使

中衛大夫

引進使

拱衛大夫

四方館使

左武大夫

東上閣門使

右武大夫

西上閣門使

中亮郎

客省副使

中衛郎

引進副使

左武郎

東上閣門副使

左武郎

西上閣門副使

右十二階大夫帶遙郡仍舊內通事舍人閣門祇候看班祇候仍舊

皇城使以下

新官

武功大夫

武德大夫

武顯大夫

武節大夫

武略大夫

武經大夫

武義大夫

武翼大夫

右八階帶遥郡仍舊

皇城副使以下

舊官

皇城使

宮苑使

內藏庫使

左藏庫使

西作坊使

莊宅使

文思使

內園使

如京使

西京左藏庫使

西京作坊使

禮賓使

供備庫使

東院使

西院使

左右驂驥使

東作坊使

六宅使

洛苑使

崇儀使

崇儀使

新官

武功郎

武德郎

武顯郎

武節郎

武略郎

武經郎

武義郎

武翼郎

右八階

內殿承制以下小使臣

新官

舊官

皇城副使

宮苑副使

內藏庫副使

左藏庫副使

西作坊副使

莊宅副使

文思副使

內園副使

如京副使

西京左藏庫副使

西京作坊副使

禮賓副使

供備庫副使

左右駟驥副使

東作坊副使

六宅副使

洛苑副使

崇儀副使

西京左藏庫副使

西京作坊副使

禮賓副使

供備庫副使

舊官

敦武郎  
修武郎  
從義郎  
秉義郎  
忠訓郎  
忠翊郎  
成忠郎  
保義郎  
承節郎  
承信郎  
進武校尉  
進義校尉

內殿承制  
內殿崇班  
東頭供奉官  
西頭供奉官  
左侍禁  
右侍禁  
左班殿直  
右班殿直  
三班奉職  
三班借職  
三班差使  
三班借差



右一十二階

入內內侍兩省

供奉宮

左侍禁

右侍禁

左班殿直

右班殿直

仍舊

祇候侍禁

祇候殿直

祇候黃門內品

仍舊

東頭供奉官

西頭供奉官

殿頭

高品

高班

黃門

祇候殿頭

祇候高班

祇候高班內品

祇候內品

仍舊

貼祇候內品

右一十一階八階改三階仍舊

大將等

新官

舊官

進武副尉

大將

進義副尉

正名軍將

守關進義副尉

守關軍將

右三階

殿侍

新官

下班祇應

差在京宗室及外州軍祇應攝殿侍非是除東西班應奉人依

舊外餘令改作下班祇應

正任

節度使

觀察留後

觀察使

防禦使

團練使

刺史

右六階仍舊不帶持節等

南班環衛官

諸衛大將軍

諸衛將軍

率府率

率府副率

別無領職不礙官制合依舊

衛官各有三等上將軍大將軍將軍共四十六階

左右金吾衛

左右驍衛

左右武衛

左右屯衛

左右領軍衛

左右監門衛

左右千牛衛

左右衛

合依舊

率府率府副率五等十階

左右衛司禦率府率

左右衛清道監門內率府率

左右衛司禦清道率府副率

左右監門率府副率

左右內率府副率

合依舊

醫職

和安大夫

成和大夫

成安大夫

成金大夫

保和大夫

保安大夫

翰林良醫

和安郎

成和郎

成安郎

成全郎

保和郎

保安郎

翰林醫正

軍器庫使

西綾錦使

權易使

翰林醫官使

軍器庫副使

西綾錦副使

權易副使

翰林醫官副使

宋朝天詔令集卷第一百六十四

政事十七

官制五

改命婦封號御筆政和二年十二月二十三日

古者妻隨其夫之爵朕國家承襲五代事不師古因陋循舊或有未  
革今命婦猶封縣君郡君在昔元豐改作未就小君之稱雖見於古  
今裂郡縣以稱君蓋非婦道又等級既少重輕不倫全無差別可依  
下項

通直郎以上初封

孺人

朝奉郎以上封

室人後改為安人

朝奉大夫以上封

宜人

中散大夫以上封

恭人

太中大夫以上封

令人

侍郎以上封

碩人

尚書以上封

淑人

執政官以上封

夫人



並名隨其夫之官稱封之武臣準此若封母則隨其父官應夫若父祖爵至公侯伯子男者則隨所封五等謂如南陽縣開國男則隨其爵稱南陽縣男令人封魏國公則稱魏國公夫人之類庶幾近古不至差紊

置宣和殿學士

御筆

政和五年四月二十四日

宣和祕殿建自紹聖中經殿徹廢更至崇寧初繼復繕完朕萬幾餘暇游息須臾之間未始不居於此近置直殿以左右近侍官典領吾有以處之宜置新班以彰榮近以永其傳可置宣和殿學士班在延康殿學士之下以兩制充聽旨除授凡厥恩數並依延康殿學士體例施行

不得禮遇寧群守臣御筆手詔

政和五年八月八日

舊祖深鑒五季藩鎮得自置吏而馴致專恣有末大之患故郡縣之

官一命已上自天子出爲萬世法況守土之臣實分符竹有民柱之  
寄比來諸路節 寅緣請求數乞辟置守臣侵紊國法漸不可長  
欲救于理自今敢有託邊事要請辟置守臣者以違 御筆論

增置貼職御筆

政和

日年九

天下人材富盛

事

衆官職之名寡少不足以應延多士

增置貼職 資今後依此遷授直祕閣直徽猷閣直顯謨閣直寶文  
閣直天章閣直龍圖閣祕閣修撰石文殿修撰集英殿修撰

改將仕郎等官名御筆

于詔

假板官行於衰亂之世姑從板授蓋非真官不可循用可依下項假  
將仕郎可去假字與初官人猶未入仕可爲將仕郎假承務郎可爲  
登仕郎假承事郎承奉郎可爲通仕郎舊將仕郎已入仕不可稱將  
仕郎可爲迪功郎舊登仕郎可爲修職郎舊通仕郎可爲從政郎餘

並依舊通爲十階

橫行增宣正等職任御筆

政和六年十一月三十日

官爵以待勞能今興事造功能者輩出而官名不足非以寵獎多士可增下項仍通舊依此卽亦如之惟不置通侍右武左武拱衛翊衛中衛中亮中侍協忠復正宣正正侍通侍

日 雜流遷至橫行恩數請給奏薦依武功大夫御筆

政和六年十二月二日

橫行之仕聯職殿陞其選甚高比歲興事造功當緣恩賞雜流四冒浸以混淆無所甄別可自今應雜流遷至橫行者其應干恩數請終奏薦者並只依武功大夫法施行仍舊爲令

觀察留後改爲承宣使御筆

政和七年六月十一日

觀察留後乃五香藩鎮身離官所以親信留充後務之稱不可循用

可冠以軍名改為承宣使

臣僚上言內外官以三年為任御筆

政和七年十月十日

三載考績以弊吏治內外任官各正其名奏稱陳乞遵守憲度與胥吏丐賞經由審實則士大夫無苟祿紊法攀援無厭之心而胥吏絕僥冒之求臣僚所請善當時事可依所奏取旨施行

監司郡守自今三載成任不許替成資闕

政和八年三月五日

朕嘉唐虞三載考績成周之盛亦惟三歲大計吏治天監司按察一路郡守師師十里數變易則下不安民知其將久乃服從其教化矧簿書有緣紀之弊部曲有迎送之勞官司有饋送之費賢與能者功未及與成姦與惰者罪未至於著賞以苟得刑以幸免殆未足以法上古黜陟誅賞之政自今監司郡守可依累降指揮三載成任方替更不許替成資闕違者以違御筆論二省常切遵守御史臺覺舉彈

奏

監司郡守不得申陳通理

政和八年二月二十三日

監司郡守必三載而後代然後功罪可致而賞罰可行先王之政也此降手詔勿替成資而通理滿闕尚未該載附會營私出於為利則數陽之患猶未盡去今後並須實滿三歲不得申陳通理違者以違御筆論

太師魯國公以下兼神霄王清萬壽宮使副等

政和八年三月六日

道隱於小成流於俗人不足與明不顯於世朕作新斯人以覺天下神霄王清府寶繩萬夫監臨下土比詔四方改營宮宇以迎神飢官吏不一尚未就緒更賴輔弼大臣同寅協力宰臣可兼神霄王清宮使執跡官充副使判官聽旨差自改官制不置使名權時之宜庶克有濟候道教與隆宮宇悉備即罷十月二日奉聖旨太師魯

國公蔡京少傳太宰鄭居中少休少宰余深檢校太保領樞密院事  
童貫並兼充神霄玉清萬壽宮使知樞密院事鄧洵武門下侍郎薛  
昂中書侍郎白時中尚書左丞三黜宣和殿大學士蔡攸並兼充神  
霄玉清萬壽宮副使仍給勅判官聽旨差

宋朝大詔令集卷第一百六十五

政事十八

舉薦上

令翰林學士文班常參官曾任幕職者各舉賓佐令錄一人

詔建隆三年二月庚寅

賓佐之任實資於宣風令錄之官蓋資於撫俗方期共理或在精求  
雖選士之規無時不舉而知人之道自古攸難得以才升必從類取  
宜令翰林學士文班常參官曾任幕職州縣者各舉堪為賓佐令錄  
一人以聞如有近親亦聽內舉即於狀內其言除官之日仍署舉主  
姓名或在官貪濁不公畏懦不理職務廢闕處斷乖違並隨輕重連  
坐舉主

令陶穀以下舉堪藩府通判官詔

乾德二年七月辛卯

得士者昌既允資於共理薦賢受賞宜各舉於所知將選器能必求  
名實宜令翰林承旨陶穀學士竇儀太常卿邊光範御史中丞劉溫  
叟刑部侍郎劉熙古樞密直學士趙逢給事中劉載馬士元沈義倫  
諫議大夫王營馮瓚知制誥王著盧多遜起居郎氏居方實係起居  
舍人劉兼李鐸左補闕宋溫故王格古拾遺徐雄秘書監尹拙左庶  
子楊格鴻臚少卿聶崇義右司郎中張鸞吏部郎中鄧守中兵部郎  
中賈玘張湜司勳郎中率汀禮部郎中李鉉工部郎中道行開封令  
任徽浚儀令柴自牧左司外郎張澹司勳外郎朱洞刑部外郎和峴  
司門外郎蔣元吉工部外郎滕白河南少尹盧億侍御史閻丕高雅  
殿中侍御史李穆雷德驤馮炳王祐師頌等於見前任幕職京官州  
縣官中各舉堪爲藩郡通判官一人以聞務在公清仍湏通敏除官  
之日仍署舉主姓名如輒敢徇私顯彰謬舉致州政之有滯在職任



以乖方並量事狀重輕連坐舉主

舉有文學詔

開寶六年十一月癸丑

設官分職貴以才升選賢任能必資類舉庶叶盡公之道用符責實之求應文班常參官進士及第者各舉有文學者一人具名以聞

長吏薦判司簿尉當行封授以知縣詔

太平興國六年正月乙巳

合長之任所以字民百里之裁制自專一邑之慘舒攸繫朕深惟政理用洽小康而所司掄才未能稱職況今封疆混一縣邑繁多動皆闕負歷年未補銓衡則拘常調而不擬州郡則緣下吏以爲安朕思其所長用立新制與其限於資級不若校以行能俾下位以東求令長吏而保舉俾具用試以觀其才儻及報政之期自有陟明之典宜令諸路轉運司指揮管內州軍令逐處長吏於見任判官簿尉內有清廉明幹者仰具奏舉當傳召赴闕引對授以知縣秩滿差其殿最

以定黜陟

令轉運使薦知縣通判及監管重務常泰官二人詔國六年

正月

虞聞四門聿成稽古之美漢設三道爰號得人之盛朕祇膺大寶奄宅中區萬幾靡憚於躬親十室彌勤於咨訪取賢之勞斯至待士之禮甚優以至發策決科親選其造秀範金合土大啓手膠庠設公庫以待逸才建善旌而延諫議九九之伎么微而必取翹翹之楚幽隱而遺尚念中外之間官品並設固能徧識其面何以盡知其材或恐英俊沉於下僚貞退恥乎自伐儻非慰薦遂至湮淪在虛已以徒勞亦覆盆而不及且舉進賢之詔用推振滯之恩應諸州知州通判及監管事務常參官等如有履行著聞政術尤異及文學優贍者委逐路轉運使各具二人以姓名聞當量材甄獎

令學士兩省御史臺尚書省保舉可陞朝者一人詔

雍熙二年正月

甲寅

國家書執混同封域遼遠將共康於庶務必廣擇於群材舉其所知  
厥有前典況今冠裳之列俊又尤多雖蘊長才或居下位守道者以  
蹙進爲耻懷能者以自銜爲非式開薦善之門用廣得人之路宜令  
翰林學士兩省御史臺尚書省保舉京朝幕職州縣可陞朝者各一  
人

令轉運長吏不得擅舉人爲部下官詔

雍熙四年八月乙未

薦賢舉善合徇至公行爵出祿舉無虛授苟非得其才實亦何怯於  
寵恩近者諸處奏薦多是親黨既傷公道徒啓倖門用塞津蹊宜行  
條貫自今諸路轉運使副及州郡長吏並不得擅舉人充部下官如  
有闕負處當以聞

令薦堪充轉運知通詔

淳化元年四月甲寅

陶唐之建百官故內外之務治東漢之命八使故郡國之政國行家  
東求賢才分委職任總漕運者慘舒之攸繫領牧守者風化之所先  
苟非其人民受其弊萬機之劇九重之深仄陋有所未知翹楚何由  
盡得並命著位俾之薦能深體宵旰之勤無憚親離之舉宜令在朝  
知制誥已上官每兩人共於常參官內保舉一人堪充轉運使副者  
其員外郎已上官每兩人共於京朝官內保舉一人堪充知州通判者  
限兩月內以名聞仍令御史臺催督

令常參官於京官內舉堪陞朝官一人

詔 淳化三年正月己巳

昔舜禹之有天下也選於衆而舉善人則不仁不善者斯遠矣矧今  
提封至廣設官尤衆舉選既限於常調英俊多沉於下僚公車之前  
或耻於自薦中堂之遠何由而盡知宜令庶僚各務公舉傳曰如有

所舉者其有所試矣朕當親覽序而進之應在朝常然官並令於京  
官內保舉堪充陞朝官各一人

令州府軍監歲終件析轉運使尤異之績詔

淳化三年正月戊午

國家擇幹蠱之才領轉漕之任生民繫乎慘舒國用倚之盈虛百吏  
承風在舉措而宜慎三年會計固默涉以是行苟無課最之文曷伸  
懲勸之道應諸道轉運使自今釐革庶務平反獄訟及貨材盈羨飛  
輓辦集有利於民等事並合所在州府軍監每歲終件析以聞非尤  
異之績者不得申舉

許言所舉改節詔

淳化四年五月戊子

向者並命有位各舉所知其有內寬外深先貞後黷修飾過愆初刻  
意以取容汚染脂膏或中道而改節既革面之可畏信知人之亦難  
敗政幸彰從坐斯及有位之士在責實以宜然中庸之材亦求備而

非允特申明詔用示至公今内外官所舉內改節爲非者並許舉主陳首免其罪焉

約束薦官詔

淳化四年閏十月丁亥

爲國之道不過稱其善人立身之方亦在神於知己向者並令推薦思振滯淹而乃蔑視憲章公行請托盤辟雅拜昔者猶坐於左遷朋黨比周今茲不畏於輿頌宜別宜於約束庶漸致於澄清自今外官所有諭薦並須列所薦爵里及履歷殿最件析以聞不得有隱

令丞郎給舍舉可守大郡者詔

咸平二年正月甲子

朕思得良吏惠綏庶民宜令尚書丞郎給舍各舉陞朝官一人詳明吏道可守太郡者限一月內以名聞俟更三任有政績當議獎其善舉有賊私罪亦連坐

令舉大藩及邊郡知州詔

景德元年九月庚寅

牧守之官歷代爲重共治之嘆茲焉不誣方將惠養黎元撫寧邊鄙詢予有位舉爾所知勉擇周才以副虛佇宜令翰林學士宋白而下七十二人於京朝官及諸司使已下閤門祇候已上舉歷任無贓罪堪充大藩及邊郡知州各一人具歷任功過以聞如任內犯贓及不如舉狀並連坐之

令晁迥等舉堪大藩知州二人詔景祐四年

乃眷守臣寔分朝寄詢求民瘼宣布詔條咸冀得人受俾之受任官咨著位各舉所知務擇廉能用副憂恤其令翰林學士晁迥等各舉常叅官堪充大藩知州二人具歷任功過以聞如任使後不如舉狀並當連坐

轉運發運提刑舉官歷任內犯入已同罪詔大中祥符二年四月癸卯

懇建庶官勞求多士俾援能而舉善期授任以得人苟爽至公則虧

慎選爰頒詔旨用示朝章且進達賢良宜膺上賞稱薦謬濫亦在深  
懲特明黜陟之科冀盡詳延之意自今諸路轉運使副提點刑獄官  
保舉京朝幕職州縣官使臣如改官後五年無過有勞幹者事其本  
官及舉主特酬獎杖已下公罪者亦別取進止若歷任內犯入已職  
並同其罪

今翰林學士以下歲舉官詔

大中祥符三年四月戊午

朕以六合之大萬務之繁思獲時才共興邦治欲庶官之咸允在慎  
簡以爲宜顧惟網條未甚振舉廣薦揚之路則奔兢滋多絕保任之  
文則俊英易失爰議酌中之制用成可久之規冀協衆謀以防過聽  
自今每年終翰林學士已下舉常衆官三班使臣幕職州縣官各一  
人明言治行堪何任使或自己諳委或衆共推稱至時令閣門御史  
臺計會催促如年終無舉官狀即具奏聞當行責罰如十二月內差



出亦須舉官後方得入辭諸司使至內殿崇班曾任河北東陝西及川廣鈐轄親民者亦同比例諸路轉運使副提點刑獄官知州軍通判結罪奏舉部內官屬不限人數明言在任勞績如無人可舉交顯有踰濫者亦須指述不得顧避以次年二月二十五日已前到京如有違限委都進奏既具名以聞當以不申者帳例科罪三司使副即結罪舉奏在京掌事京朝官使臣仍各令中書置籍先列被舉人名銜次列歷任功過及舉主姓名薦舉度數一本留中書一本常以五月一日進內次年籍內仍計向來功過及薦舉度數使臣即樞密院置籍兩省尚書御史臺官凡出使廻並須採訪所至及經歷傳避群官治迹能否如隣近及經由州縣訪聞群官善惡亦許同奏先於閤門投進後方得入見或朝廷要人任使及有不治州縣難了公事並於上件籍內選擇過犯數少舉任及課績數多並資歷相當差委

仍於宣勅內盡列舉至姓名或能一任。某即特與遷轉苟不樂事  
本犯雖不去官亦移閑慢僻遠處內羣臣併舉及三人幹事者仰中  
書樞密院具名取旨當與馴獎如併舉三人不集事坐罪不至去官  
亦仰奏裁當行責修或得失相然亦與折當諸路轉運司諸州軍管  
內有未中淪理及繁難事務須朝廷選官臨監者三司審刑院有累  
經會問舉駁來了錢穀刑獄公事委同州縣不能結絕須自朝命遣  
官詣亦於籍內選差幕職州縣官三伍七考以上使臣在班十年以  
上歷任無私罪實有課績無人奏舉者亦許經所由司司叙即令主  
判官驗問材地可各選人試刑名時務各三道使臣願試遺事及刑  
名時務者亦聽如實有可取即送中書樞密院再加考覈取裁如流  
內銓三班院體量得選人使臣別無殿累顯有勞績書判材識實堪  
任使者亦許先送中書樞密院參詳別與引見每年各不過十人不

得將勢家子弟充數近臣除郊祀承天節及委寄差遣舊有恩例外更不得非次爲親戚陳乞恩澤

在京常參官舉職官元京官者舉見任在外官詔符大中年  
六月  
壬戌

朕向虞下位尚有遺材務廣搜揚俾從保任盈庭之士削牘繼臻苟或久處外官未能自達共形封奏諒協至公其有來赴闕庭方參選調既經引對復覽奏章異乃陟門茲爲昧進況已多於振拔宜益慎於求求自今在京常參官二員共舉幕職州縣官一員充京官者聽舉見任在外官其已赴選者不在舉限

今生欽若等爲人詔大中年  
二月  
丙辰

朕稽若前訓茂建衆官期式序以彛倫在協宣於公共春惟邇列爰及清班因多閑於村能宜交薦於庶茂其令王欽若陳堯叟馮拯趙

安仁洎林特等各於見任京朝幕職州縣官內舉而人或傳知民政或更練刑章可以蒞繁劇之司可以守邊防之寄悉從條析期用所長仍並須自來並無賊私罪幕職州縣官考限合元勅者限十日內件析以聞擢用之後犯入已賊私罪犯及不如舉狀亦連坐

令王欽若等舉人詔

大中祥符八年正月庚戌

國家提封至廣撫俗惟勤式資成務之才共康庶績載念設官之重將示同詢惟中外之盡臣荷朝廷之憂寄常德公舉式功精求足觀品藻之能用副許之之意宜令王欽若陳堯叟馮拯趙安仁及林特等各於見任供奉官侍禁殿直內舉一人安素謹行藏蕙資武勇式精民政武練達軍機勁幹可以剋煩智能足以馭衆並加寵禮分掌事經所期効用適時絕滯淹之嘆無伴僉榮冒進貽僥倖之譏所舉並須無賊濫反習識文字明且所長堪河任使限一月內以聞如擢

用後祀入已賊悉當同罪自餘賊私及不如舉狀亦當連坐其閤門祇候諸路走馬承宣公事者不在舉限

令馮拯等舉可充川峽知州通判詔

大中祥符八年十月己丑

漢宣有言與我共治者惟良二千石爾朕言念興化慎乎擇言矧夫遠民宜得循吏而有司止用資序分命郡條或政治之乖方則吾人而苟訢是用申詔有位各揚所知庶寬宵旰之憂俾洽惠和之化苟得人而著稱必行賞以旌能勉徇至公協予精選宜令馮拯已下各於見任京朝官內舉無賊濫者舉一人充川峽知州軍通判限十日內以聞如任用後犯入已賊或酷刑枉法生事並同罪不如舉狀亦連坐其顯有績效得替日當議陞陟兩任無遺闕者獎其所舉

宋朝大詔令集卷第一百六十五

宋朝大詔令集卷第一百六十五

宋朝大詔令集卷第一百六十六

政事十九

舉薦下

不許舉官陳首詔

大中祥符九年三月壬戌

頃者屢詔有位各舉所知庶獲幹材用委事任而殊非精擇莫副詳  
延雖失實以當辜慮徇私之未革爰敷明諭庶叶至公自今文武群  
臣舉官犯贓舉並同罪不至追官及經恩原降者仰審刑院具情理  
奏裁當議量貶官秩或降差遣如前所舉官間有貪濁亦許陳首自  
今必擇廉能乃形公舉更不在陳首之限

令馮拯已下五十人各舉供奉侍樂殿直一人詔

大中祥符九年十月

子

朕纂紹丕圖寅恭庶政設官分職緬務於求才責實值名每期於選

衆雖勵精於采擇尚軫慮於滯淹是用博訪盡臣特頒明詔俾陳公  
舉無叶貪謀宜令戶部尚書知陳州馮拯以下五十人各於供奉官  
侍禁殿直內舉一人素守廉勤兼資公器或精達民政或詳練武經  
咸以名聞必當寵推勿自營於親黨勿濫進於權豪冀獲良材用裨  
至治

令張知白等各舉堪錢穀刑獄任使二人詔

天禧四年九月己酉

王者愆建庶工允釐百度若乃裁制國用式賴於均通糾虔天刑蓋  
資於明慎言念班朝之士夙懷應務之能繫舉善之有方庶用材而  
無滯詢於上列稱乃所知必煩使以足觀俾事經之允濟勉於推擇  
以副詳求宜令翰林侍讀學士張知白玉清昭應宮副史林特三司  
使李士衡龍圖閣學士陳堯咨樞密直學士薛暎李及馮元方張士  
遜兵部侍郎馬亮給事中李應機王隨右諫議大夫段煜於朝官內

各舉充錢穀刑獄使二人

令晁迥等舉文學優長履行清素者各二人詔天禧四年

朕奉若前猷思皇至治敦尚儒雅式合彬彬之風東求端良用流  
藹之詠惟早司於翰墨固多識於簡牘其有修詞博古之可稱潔  
矩踐方而無玷俾從類舉各以名聞資該洽而復溫純進清修而抑  
貧競繁乃薦能之効副予育材之心宜令工部尚書晁迥翰林學士  
楊億劉筠晏殊龍圖閣直學士呂夷簡戶部侍郎李維知制誥李諮宋  
綬張師德於朝官內各舉有文學優長履行清素二人

令樂黃自等舉堪大藩知州各二人詔天禧四年

長人之職風化攸先擇吏之方循良是屬矧藩閭之建政務寔繁分  
寄任以非輕在東求而斯慎爰徇于衆庶獲其才俾推類以舉知何  
景能而授任將使政術之士得以用其所長符守之臣咸能與我共



治事臻嘉靖良慰憂勤宜令給事中樂黃目孫奭右諫議大夫趙楨  
龍圖閣待制李虛已李行簡少府監薛願太常卿趙抃於朝官內舉  
堪充大藩郡知州各二人

令轉選司各舉堪京官知縣二人詔天禧四年九月乙酉

朕每念下位頗多遺才屢稽保任之文式廣搜揚之政矧出分於按  
察固職在於澄清必能擢獎廉平振拔淹滯宜升聞於善狀用甄陟  
於榮階庶令抱器之流免動沉僚之歎宜令轉運使於前任見任藩  
職州縣內各舉堪充京官知縣二人

令侍講舉轉通經術者詔天聖四年九月乙卯

講學之廢久而執卷者不知經義非上之教道有失邪其令侍講學  
士孫奭侍講馮元舉京朝官博通經術者三立人以名聞

舉縣令詔天聖七年十月二十一日

勅國家樞建列辟惠養黎元眷惟宰邑之官是曰親民之重苟任非其選則人受其殃而銓序擬除即以資考懷異材者無由越等循常調者多至濫居使愷悌之風未甚流布畎畝之俗或失撫綏是用更張俾其率勵大列郡牧守之職外計按察之司在選委以非輕則保任之必當冀獲良宰以紹前脩且舉爾所知安能遺善猶名青紫宜曰乏賢式資共理之規克起沉湮之歎宜令諸路轉運使副使知府知州軍監朝臣并武臣至崇班已上於諸處及部內見任判司簿尉中不以任數有出身三考已上無出身四考已上廉勤幹濟無贓私罪堪充縣令者除轉運使副不拘人數外其知州軍監各舉一員仍具同罪保舉如未有人可舉亦許審細察訪行止候有人即聞奏即不得保舉親屬其得替常參官不在奏舉之限候有兩人奏舉即送銓司如有縣令負闕就近移注如在仕別無贓罪其公罪情理輕及

能區別刑獄不至枉濫確理稅賦不至追擾仰本州府軍監具詣實  
理迹聞奏得督叅選日與職事官再令知縣如依前無賊罪雖有公  
罪情理不至重及有上件理迹候得督引見日特契京官

求敢勇智謀之士詔康定元年正月乙酉

鄰敵負恩違關勒成而尚務凶態未即靈誅雖申令師徒散行討撲  
寢虞越遠驚我黎民況關隴之要區有英豪之舊俗固多奇略容有  
滯材然伏在草茅罔能聞達宜示詢求應陝西州軍有勇敢智謀之  
士或詣山川要害西賊情偽及知攻取之方者詣所在自陳敢遣赴  
京師

誠飭舉薦非其人詔 皇祐五年七月己酉

朕制臨天下思得賢才而共泊之故開薦舉之路人於羣臣無有疑  
問其所薦舉多亦陞擢然比年以來或所薦者材品庸薄下人遠甚

乃有文武顯要交章推舉或宿愆醜濫曾非摺註請行湔復或復職任疎遠引援清近不稱重輕迹其本原豈非造次銜鬻者旁依權門無廉恥之行崇結私恩者苟茂王爵無公共之志不然何以臻此不知不賢而言之曰茲蔽謬知其不可而言之茲曰欺罔左右官師懷此事上嗟予何賴誠心示孚遂致於法朕甚愧焉其令御史臺察訪中外臣僚奏薦如有所舉非其人者立須彈奏必行之罰宜自近始重茲中警尚體予意其已差保提點刑獄已上差遣者並不得薦舉今申明景詔詩臺司每歲首舉行布告中外所冀薦舉不濫進用得人今頒布中外各令遵守

令中外舉選人者務在得人不必滿所限之數詔治平二年四月辛丑天下之治在於得人之賢愚繫乎所舉舉而失當猥濫至多今吏部磨勘選人待次者二百五十餘人二年方克引對留滯之弊乃至

於斯且歲限定貢奉防其濫而舉者不問能否一切取足以聞徒有  
塞詔之名且非薦賢之體以至介就待售而賢材者見遺請托得行  
而怙守者被弃蓋其毀譽之是徇殊非淑慝之能明章交公車充數  
而已以足濟治其可得乎宜令中外臣僚合舉選人者務在得人不可  
必滿所限之數所貴材品辨別仕路澄清惟爾輔臣當體朕意

約束二府舉所知詔

治平四年十一月丙戌

故事二府進入各舉所知者三人蓋欲觀大臣之能也比年以來請  
謁干譽之說勝而薦者或不以公既任職之後多以虛名相尚而贊  
効蔑然甚非上臣事君以人之道自今二府舉官宜各言其才業所  
長堪任何事以副朕爲官擇人之意

令州郡各上縣令治狀詔

治平四年十一月丁亥

考課之法所以練羣臣而覈名實也今諸路監司與郡守之政既已

科別其條具爲令矣至於縣令之職與民尤近而未嘗立法恐非所以愛養元元之道宜令天下州郡各上所轄縣令治狀優劣令考課院具條約詳定以聞

令內外舉所知詔治平四年十一月乙未

孔子曰修廢官舉逸民則四方之政行焉朕以天之靈獲守大器永惟興治之本必待賢人而後成方今中外羣材輻湊並進不爲不多矣尚慮蔽器抱道之士沉於下僚鬱而未伸宜令內外兩府兩制文臣三司副使武臣正任以上臺諫官諸路監司於京朝官使臣幕職州縣官內各舉所知二人見任兩府三人或恥於自媒久淹下位或偶因微累遂廢周行者咸以名聞以佐吾顯仄陋振滯淹之意仍各明言其行能治狀朕當量才而用之其懷姙養舉闕於事情及權要族屬無得輒舉以昭至公之道焉

宋史卷一百一十五

今翰林承旨以下舉文官有才行人詔治平四年十月

仲尼有言舉爾所知爾所不知人其合諸蓋言各舉其所知則賢才進矣且以二帝之隆有僉舉之誠三代之際有貢賢之賞朕端居九重獨制四海思得賢俊之士與之興起治具然非左右侍從之臣以推賢進善爲己任則天下之才何由而知哉宜令翰林承旨至知雜御史各舉文官有才行歷一任通判以上堪充刑獄錢穀繁難任使一人當令別對毋得舉已帶職及兩府或已親戚

今待制太中大夫以上舉堪監司二人詔元祐元年

朕紹承聖緒總覽庶政永惟四方萬里之遠其能使吏稱其職而民蒙其澤者以監司得其人故也然非左右侍從之臣各舉所知則安能盡得天下之英才而用之哉孔子曰如有所譽者其有所試矣朕將考核能否而進退誅賞焉應內外待制太中大夫以上限詔到一

月各舉曾歷一任知州已上聰明公正所至有名堪充監司者二人  
委中書籍記遇轉運使副提點刑獄有關選差若到官之後才識昏  
愚職業墮廢薦才按罪喜怒任情即各依本罪大小并舉者加懲責  
令執政舉文學政事行誼之臣可充館閣之選三人詔元祐

四月  
辛丑

朕惟古之君子能長有人材則天下喜樂之矣詩曰既見君子樂且  
有儀今有蘭臺芸閣皆圖書秘記之所藏而校讎論譌位序多闕永  
惟祖宗樂育賢雋嘗詔二府薦士置之秘府養其德器以待試用朕  
甚慕焉執政大臣吾之所甚重也宜各舉文學政事行誼之臣可以  
充館閣之選者三人亟以名聞朕將考覈其材器而甄升之

帥臣監司薦人中書記錄姓名詔

六月甲子  
元年閏

立太平之基本於樂得賢國天下之治縣乎能任官故我神考勵精



庶政日新盛德每賢任能為急務常詔諸路帥臣監司列薦美材共熙庶績欽哉嗣服詒謀敢忘宜詔諸路限一月於本路知州或通判及改官知縣人內薦舉善最有聞治狀異等能惠養庶民勸課農桑者帥臣許薦一人監司共薦一人並申書省記錄姓名遇有差除參攷擢用如所舉得人當議別加旌賞若非其人亦重行黜責其因薦舉擢用之人仍於麻子前批所舉官名銜惟其慎舉庶有成績以助朕紹隆烈考之意

待制以上侍從官各舉蒞事明敏官各二人

崇寧四年五月十七日

賢者在位能者在職則百廢具舉舉能其官然陟公當則庶績咸熙故搜擇賢材為治世急務可令待制以上侍從官各舉蒞事明敏修平允公私兼濟利澤王民者官各二人具行實事狀聞奏仍令中書省注籍每季一次考校被舉負多者開具職位姓名及合入資序

取旨

從官限一月薦人材御筆手詔

大觀三年二月二十日

連觀其所舉則非特舉其知所而已蓋亦觀其所舉之忠邪以考近臣之賢否比嘗降詔令從官各薦人材逮今未聞薦上可申命之限一月聞奏俟到仰三省具名取旨

尚書侍郎待制以上各舉所知二人御筆手詔

大觀二年十月二十日

一官闕一事廢今取士之路廣而士沉下僚官曠不補殆士之進者寡歟可令尚書侍郎待制以上各舉所知二人苟懷私阿徇舉非其人必罰無赦仍限一月具名聞奏

宋朝天詔令集卷第一百六十六

宋朝天詔令集卷第一百六十六